

Чин освящения памятника Геннадию Невельскому

Добавил(а) o_Serafim
21.07.13 22:24

Чин освящения памятника ГЕННАДИЮ НЕВЕЛЬСКОМУ

Диакон: Благослови, Владыко.

Архиерей: Благословен Бог наш, всегда, ныне и присно и во веки веков.

Хор: Аминь.

Диакон: Слава Тебе Боже наш, слава Тебе.

Хор: Царю Небесный...

Диакон: Святый Боже... (Трисвятое...по Отче наш)

Св.: Яко Твое есть царство...

Тропарь, глас 4:

Чин освящения памятника Геннадию Невельскому

Добавил(а) o_Serafim
21.07.13 22:24

Хор: Днесь, благоверные людие, светло празднуем, осеняеми Твоим, Богоматю, пришествием, и к Твоему взирающее пречистому образу умильно глаголем: покрый нас честным Твоим Покровом, и избави нас от всякого зла, молящее Сына Твоего Христа Бога нашего спастися душам нашим.

Диакон: Господу помолимся.

Хор: Господи, помилуй.

Архиерей: Господи Боже Вседержителю, Боже отец наших, благослови и освяти памятник сей, в честь мореплавателя, флотоводца и исследователя земель дальневосточных адмирала Российского Геннадия Невельского. Ты бо еси освящение наше, и Тебе славу возсылаем, Отцу и Сыну и Святому Духу, ныне и присно и во веки веков.

Прилагается молитва за Отчизну:

Молитва за Отчизну

О, премилосердный Господи,

Боже щедрот, и Отче всякаго утешения!

Не отврати лице Твое от народа Твоего, и не посрами чаяния нашего:

уповающе на Тя, молимся Тебе,

и молящиеся на щедроты Твоя уповаем.

Сохрани под кровом Твоея благодати Отчизну нашу,

посети ю благодатию Твоею, Господи:

явился всем народам, ю населяющим, богатыми щедротами Твоими: благорастворены и
полезны воздухи всем даруй,

дожди мирны земли ко плодоносию даруй:

благослови венец лета благодати Твоея:

утоли раздоры церквей, угаси шатания,

и еретическая возстания скоро разори силою Святаго Твоего Духа: всех нас приими в
Царство Твое,

сыны света и сыны дне показавый,

Твой мир и Твою любовь даруй нам, Господи Боже наш,

Чин освящения памятника Геннадию Невельскому

Добавил(а) o_Serafim
21.07.13 22:24

вся бо воздал еси нам.

Ты бо един веси, еже требуем,

и прежде прошения подаеши, и дарования утверждаеши,

и всяко даяние благо, и всяк дар совершен свыше есть,

сходяй от Тебе, Отца светов:

Тебе слава и держава

со Единородным Твоим Сыном,

и Всесвятым и Благим и Животворящим Твоим Духом,

ныне и присно, и во веки веков.

Аминь.

По окончании молитвы:

Хор: Аминь.

Архиерей: Благословляется и освящается памятник сей благодатию Святого Духа, окроплением воды сея священныя, во имя Отца и Сына и Святого Духа, аминь.

Хор: Спаси, Господи, люди Твоя, и благослови достояние Твое, победы православным христианом на сопротивныя даруя, и Твое сохраняя Крестом Твоим жительство.

Диакон: Премудрость.

Архиерей: Пресвятая Богородице, спаси нас.

Хор: Честнейшую Херувим и Славнейшую без сравнения Серафим, без истления Бога Слова рождшую, сущую Богородицу Тя величаем.

Архиерей: Слава Тебе, Христе Боже, упование наше, слава Тебе.

Хор: Слава, и ныне. Господи, помилуй. (3-ды) Преосвященнейший Владыко, благослови.

Архиерей: Христос, истинный Бог наш, молитвами Пречистыя Своея Матере, святых славных и всехвальных Апостол, святителей Христовых Иннокентия Московского, первого епископа Камчатского, Курильского и Алеутского и Николая просветителя Японского, и всех святых, помилует и спасет нас, яко Благ и Человеколюбец.

Хор: Аминь.

Чин освящения памятника Геннадию Невельскому

Добавил(а) o_Serafim
21.07.13 22:24

Диакон: Великому Господину и Отцу нашему Кириллу, Святейшему Патриарху Московскому и всея Руси и Свято-Троицкия Сергиевы Лавры священноархимандриту, многая лета.

Хор: Многая лета. (3-ды)

Диакон: Преосвященным митрополитом, архиепископом и епископом православным с богоспасаемою их паствою, богохранимей стране нашей, влаstem, воинству и народу ея, всем, zde предстоящим и молящимся и всем православным христианом, многая лета.

Хор: Многая лета. (3-ды).